



Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09) i člana 19. stav (1), alineja 4. Statuta Općine Novo Sarajevo („Službene novine Kantona Sarajevo“, broj 5/20 – Prečišćeni tekst i 20/20 – Ispravka), Općinsko vijeće Novo Sarajevo, na 2. redovnoj sjednici, održanoj dana 10.03.2025. godine, donijelo je

ODLUKU

o izmjeni i dopuni Odluke o kriterijima, uslovima i načinu utvrđivanja udruženja sa statusom od posebnog interesa i društvenog značaja za Općinu Novo Sarajevo

Član 1.

(Dopuna člana 9.)

U članu 9. Odluke o kriterijima, uslovima i načinu utvrđivanja udruženja sa statusom od posebnog interesa i društvenog značaja za Općinu Novo Sarajevo („Službene novine Kantona Sarajevo“, br. 23/17 i 3/20), dodaju se st. (2) i (3), koji glase:

„(2) Sredstva sa budžetske pozicije predviđena za sufinansiranje rada udruženja iz stava 1., dodjeljuju se na osnovu javnog poziva koji se objavljuje na web stranici Općine i ostaje otvoren 15 (petnaest) dana.
(3) Javni poziv objavljuje općinski načelnik Općine Novo Sarajevo, jednom godišnje, nakon usvajanja budžeta Općine Novo Sarajevo, kojim se utvrđuje ukupan iznos sredstava koja su predmet javnog poziva iz stava (2) ovog člana .

(4) Izuzetno, ukoliko sredstva ne budu utrošena po prvom raspisanom javnom pozivu, općinski načelnik može raspisati novi javni poziv, do utroška sredstava.“

Član 2.

(Izmjena člana 10.)

Član 10. Odluke, mijenja se i glasi:

”

Član 10.

(1) Općinski načelnik Općine Novo Sarajevo će donijeti Pravilnik o sufinansiranju boračkih udruženja sa statusom od posebnog interesa i društvenog značaja za Općinu Novo Sarajevo, kojim će se definisati: Sadržaj javnog poziva, potrebna dokumentacija, kriteriji za dodjelu sredstava i postupak dodjele, a na koji saglasnost daje Komisija za statusna pitanja boraca Općinskog vijeća Novo Sarajevo.

(2) Postupak dodjele provodi Komisija za provedbu Javnog poziva za dodjelu sredstava u svrhu sufinansiranja boračkih udruženja sa statusom od posebnog interesa i društvenog značaja za Općinu Novo Sarajevo (u daljem tekstu Komisija).

(3) Komisiju imenuje Općinski načelnik Općine Novo Sarajevo, a čine je predsjednik Komisije i četiri člana, tri uposlenika Općine Novo Sarajevo i dva predstavnika radnih tjela Općinskog vijeća Novo Sarajevo.“

Član 3.

(Stupanje na snagu)

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 02OV-01-1-2634/25
Sarajevo, 10.03.2025. godine

PREDSJEDAVAJUĆI
OPĆINSKOG VIJEĆA NOVO SARAJEVO

Mr.sci. Edison Pavlović